

豐順街九號號外

學生會選舉訪問引言

——給予從來沒有聽聞過豐順街九號的同學

豐順街九號是一份非官方學生自發的學生報，一向都被校方定位非法的刊物。豐順街九號regular的內容包含社政、經濟、軍事、影音、打機同搵食，當然地首要關心事項是培英學生權益和培英校政。所以，請各位培英同學若果收到本編輯部發行的刊物的話，請好好收藏和傳閱，希望能夠以我們編輯部數人合資印刷的刊物能夠好好流傳着各位同學之間。這次一份號外，是我們第一份全校性派發的一份號外，以往我們的主要讀者群都是中三至中六同學，開學初期我們曾經做過一份搵食攻訖給予新入學的中一同學。無論如何，請各位同學好好收藏，若果希望訂閱我們的regular volume，那就請到下面的網址訂閱吧。

Facebook: <https://www.facebook.com/fss9pyc>
instagram: fungshunstreetno9
email: fungshunstreetno9@gmail.com

一年一度的學生會選舉又來了，今年是選舉新制度的第二年。上年學生會選舉同學的參選意欲不高，也許是對新制度有點陌生。

無論如何，今年豐順街九號編輯部就在上星期五各個候選人提交競選名單（提名表格）之後，這個周末我們向各個候選名單作出了訪問。今年學生會選舉，名單制的那一方面競爭較為激烈，兩隊來自中四和一隊來自中五的名單將會角逐兩個名單入選學生會的名額。

也許正正就是因為這次競爭性較大，又或者上半年都提出過自治和民主的概念，今年三張名單都對於學生在學校的發言權、發現的空間、和學生力量的集合均普遍的着重。

有名單提出學生議會的概念，藉此來比較校規研討會的不足以及過往所謂民主牆的乏力。

有名單提出定期向同學經常諮詢意見，作出實地考察，充分了解各級同學需要以及已學生會的角色向學校反映。有名單提出舉辦一些直接的問答大會，讓學生能夠在一個問答大會裏面能夠直接向校方提出疑問，表達學生訴求。

三張名單都不約而同地十分着重培英學生的發言權。在這個時代下，我們經常談公民權利、民主和自由，過往培英的學生會一向被視為「有等於有」，從來不能作為一個學生力量的聯合，有時候更視為校方的傀儡或者是一個消極的學生和校方之間的橋樑，完全不能發揮學生會作為「工會」的功能。

自從學生會選舉改革選舉制度以來，我們曾經盼望學生會會比以往有更高的獨立性和力量，豈料小編在任幹事期間，校方對幹事或者其他同學提出的建議一直都只抱著「我們會聆聽和考慮下嫁啦」的態度和學生商討，又或者討論（開會）中途經常突然接聽外來電話，對於學生表達訴求顯得完全沒有「尊重」和注意。也許是學生會乏力，但更重要的是學校在給予發言空間和尊重發言權的時候根本上沒有誠意。

學校經常談尊重，學校尊重過學生的發言權嗎？尊重過學生的意見嗎？

編輯部對於三張名單都對學生的發言權十分重視感到非常鼓舞，下面將會登出編輯部跟三張名單作出訪問內容。

希望各位同學擁護今次選舉，作出明智的選擇，投下你們重要的一票。無論是哪兩張名單當選，

都希望同學支持他們作為爭取學生發言權的領路人。

名單1

葛殷樂 嚴樂 陳穎詩(absent)

好高興能夠請到同學各位接受我哋編輯部嘅訪問，首先就請各位同學自我介紹先啦。

葛：我係來自4E嘅葛殷樂，我哋名單取名為"acoustic"，重點在於為同學發聲，希望能夠將學生嘅聲音直接傳達校方。我哋校內擔當過commerce society, drama club嘅committee，亦都有參與prefect同大哥姐，一些其他活動例如drama fun camp都有參與。

嚴：我係來自4E嘅嚴樂，我係排球隊隊長，drama club, AV team, sports club, Award scheme team 嘅committee

葛：我認為我哋嘅經驗係可以運用於學生會事務裏面，因為我們參與過嘅工作同學生接觸廣泛，可以知道同學對學校唔同嘅訴求同需要等等。

同學你哋認為SU新制度對於培英學生未來而且你哋三位參選人有啲咩意義呢？

嚴：我覺得依家學生會新制度可以比有一樣嘅目標嘅學生可以組成一支名單去參選，可以一齊去做一樣嘢。

葛：有啲同學individual嘅途徑去參選嘅話可能會怯場，如果有共同理念嘅人group埋一齊，感覺就可以實在啲。

嚴：以前制度就以每一級級社作為前提先至可以參選，相反而家就free啲。依家我哋唔需要一定話做到班會主席先至可以參選學生會。

葛：另外再加上而家無論individual又或者係名單參選，你需要學生提名，所以新制度嘅選舉認受性較大。另外我諗新制度嘅民主成份一定比以往大，任何一個參選人都需要學生嘅提名，學生對於選出嚟嘅人都會比以往有更加大嘅信心。但係呢個制度一個問題就係，十分講求同學嘅自願性去參選，隨時可能會有遺缺嘅狀況出現。

既然如此，請同學分享下你哋嘅政綱。

嚴：1，為學生起更衣室提供暖水沖涼，問題在於我們本身擁有這些設備，但係用唔到。同學上完體育堂或者校隊練波之後就可以使用更衣室沖涼。

葛：2，設置低年級同學的locker，相比起高form，雖然啲書比較厚，但係我哋認為低form同學都有呢個需要。我哋見到有時有啲低form班房，都會用一個個膠袋疊建櫃桶，安全度低，所以絕對有必要去假設低form locker。

葛：3，建立學生議會，一個任何人都可以公開參與的一個議會，用一個更加透明更加開放的方式，開放一個平台給予所有學生發現空間。相比起校規研討會，校規研討會嘅宣傳和進行都好隱密。按理我哋過往幾年都應該至少收到三封宣傳校規研討會邀請同學參與嘅email，但係我哋過往嘅經驗係一封都收唔到。我哋會起廣播或者morning assembly做announcement，加上email宣傳，令學生會更加積極向校方表達學生意見。又或者可以舉辦一個大會，令到老師、學生會、任何一個想參與的同學都可以參與，直接從一個大會裏面提出所有嘅疑問同意見。

嚴：而且學生議會所涉及嘅範圍可以比校規研討會更加廣泛，內容唔只係校規，更加可以係學會問題、有關學校設施嘅問題，任何事都可以提出。

葛：相對比起以往人提出過的民主牆，無論起空間需求或者溝通形式，相比起我哋提出嘅學生議會唔夠直接。

(追問)根據小編經驗，校方起校規研討會裏面一直抱着嘅態度係『我哋會考慮下架啦』黎到去面對學生嘅訴求，之後就不了了之，你哋對於一個學生議會嘅功能有幾大信心呢？

葛：係一個學生議會裏面，眾多嘅學生同校方代表坐埋一齊，可以直接向校方提出問題。若果校方嘅回應仍然都係「我哋會考慮下架啦」，在場的學生壓力和學生嘅追問應該可以令到學校更多建設性咁回應。而且學生會也可以做一啲follow up嘅工作，請求校方給予一個滿意的答覆。或者下方的確有校方的考慮，我哋學生會可以作為一個跟進的角色進一步為學生表達意見。

(追問)咁除咗呢啲着重於校內嘅學生事務，你哋有冇一啲聯校或者校外嘅政綱提出嘅同學嘅呢？

我哋一早已經同其他學校有聯絡，希望可以同其他學校嘅內閣合作，一齊舉辦聯校活動。我哋係大概暑假嘅時候已經有聯絡，蘇浙、培基書院、呂明才等等。如果我哋成功當選嘅話，我哋可以充分利用呢啲人際網絡去舉辦聯校活動，乜嘢形式都可以嘗試下例如歌唱比賽、球類嘅比賽同交流。投我哋一票嘅話，我哋就可以有機會比過往咁多屆學生會更加積極咁籌辦聯校活動。

學生會就一向被人視為有等於冇，冇辦法成為學生爭取權益嘅力量，甚至乎好多時都係被視為一個校方嘅傀儡，你哋認為你哋可以點樣改變呢個局面呢？

葛：不能否認地，過往學生會一直都積極為學生謀取校外福利。就係因為學生會表達唔到學生嘅訴求，所以先至會被視為可有可無，唔係一個代表到學生嘅學會。

你哋認為你哋嘅政綱究竟點樣比起其他人出眾？

嚴：我覺得我哋最出眾同最核心嘅正當就係學生議會，你行政網我哋喺好耐之前已經開始考慮。我哋諗過好多唔同方案之後，我哋最後得到學生議會呢一個.....

葛：最合適而且最可行嘅（雙）項目。

嚴：我相信我們花嘅時間同心機都比其他人多。

葛：一開始決定參選學生會嘅時候，發現參選嘅只有我哋一張名單，遺缺嘅情況好容易出現。我哋係好早決定參選嘅一隊名單，準備時間會比其他入充足，所以我哋好期待嚟緊嘅競爭。

除咗呢一樣你哋政綱裏面最核心嘅一項之外，你哋認為如果你哋當選嘅話，可以短期內有啲乜嘢措施可以推出俾各位同學？而且你哋認為培英學生現時最迫切需要嘅係啲乜嘢權或者益？

葛：首先我哋覺得買文具服務有改進之處，因為我哋無辦法能夠清楚每一個學生希望可以買到乜嘢文具。所以我哋首先應該要做嘅就係簡略做一個調查，無論係問卷或者email，了解同學買文具嘅需要。咁樣我哋就可以針對同學嘅需要作出應變。

最後就好多謝因為同學願意抽空時間接受我哋的編輯部嘅訪問，期待同學係學生會裏面嘅成績。

名單2

衛正賢 江衍融 劉家偉(absent)

好高興能夠請到同學各位接受我哋編輯部嘅訪問，首先就請各位同學自我介紹先啦。

衛：我係來自4e嘅衛正賢，我曾經擔任過English literature committee member, 足球隊 B grade 隊長，以及班會嘅財政。

江：我係來自4e嘅江衍融，我曾經擔任兩年嘅prefect, English fun camp leader, 公民教育組成員。

同學你哋認為SU新制度對於培英學生未來而且你哋三位參選人有啲咩意義呢？

江：首先呢個制度每一位參選人都要先獲得足夠的學生提名，係呢個情況之下，參選人嘅認受性就比以往增加。

衛：新制度好睇學生嘅主動性，因為依家唔再係以往老師推薦，相反而家要自己擲表格同埋爭取學生提名，如果學生唔夠主動嘅話就比較困難，可能會出現學生會遺缺嘅狀況。

既然如此，請同學分享下你哋嘅政綱。

衛：1，增加學生參加學校唔同嘅事務嘅機會，我哋會恆常派出問卷向學生作出調查，推動學生對學校校規嘅意見例如校規問題，或者唔同嘅安排或者制度等等嘅問題。

2，對於學生對學生會意見的定期問卷調查，基本形式與頭先嘅問卷調查一樣，但係方向就是指向學生會的。

3，設立一個類似民主牆的平台，令同學有打過空間表達對學校嘅意見。

江：4，舉辦更加多元嘅活動，除咗三打三籃球比賽之外我哋會舉辦一些排球或者閃避球等等嘅球類活動比賽，令到學生之間或者師生之間都可以有更加多機會互動，可以互相切磋球技。

5，其他比賽，例如各個學會或者各個活動之間舉辦一些海報設計比賽，比同學發揮藝術創意。

6，師生燒烤晚會，令老師和學生之間起學校外面有更加多溝通機會同聯誼。

7，學校設施問題，我哋發現好多廁所廁格裏面嘅鎖好多時都唔對位，又或者有時鎖唔到門。咁樣對要去廁所嘅同學會造成極大嘅不便，其實對起廁格裏面嘅人會好困擾。

8，小食部售賣更加健康的食品，演示小食部主要售賣的是魚蛋燒賣或者撈麵一裏的食物。建議小食部售賣水果、乳酪等等。

9，小食部對出加設欄杆，因為我哋發現小息嘅時候排隊嘅秩序唔好，插隊情況嚴重，而且排隊路線會阻塞中間大路，對於同學都非常之唔方便。

(追問)對於多元嘅校內師生聯誼活動，好似同學所提及到嘅一啲排球比賽或者閃避球比賽，相比起原本嘅班際活動有乜嘢特別之處呢？

衛：我哋最初諗出政綱嘅時候着重點在於學生和老師增進關係，就係呢啲師生嘅比賽裏面，形式可以類似三打三籃球比賽，可以學生隊對老師隊。相反依家嘅班際比賽就只可以係固定一班打一班，班和班之間的分隔開，令到一啲同學無機會去自己組團參加比賽，又或者老師想組團都有機會。所以你一個班制活動以外嘅比賽可以更加好咁樣去消除班制活動嘅隔閡。

(追問)第二個問題就係師生聯誼活動例如BBQ嘅提議，好多時呢類型嘅活動都係各班班會進行，大規模一啲嘅就會係級社旅行可以辦得到。係呢個情況之下，學生會職能上會唔會同班會或者級社重複左呢？

江：最重要嘅就係學生會可以籌辦到一個比起普通班會所能做到嘅野更加大規模。

衛：一般班會可以做到嘅活動，通常都只係限於班內，但係作為培英人同學嘅活動唔應該只限於自己班內，多啲機會去同其他級和其他人相處不失為一件好事。

(追問)咁你哋認為能夠起學校外面地方能夠舉辦到大規模嘅活動嘅可能性有幾大呢？燒烤為例，學生會若果要舉辦BBQ活動，那麼何來場地？可行性有多大？

衛：我相信你嘅活動有老師參與可以令到同學參加嘅意欲更加強，加上大部份初中或者中四同學尚有空閒時間，相信同學應該會參與的。

江：對於燒烤問題，我就認為未必一定係舉辦BBQ晚會的，其實這些活動的重點在於聯誼，其實若果活動內容轉做其他也應該沒有問題。甚至可以起學校打邊爐，咁樣就克服左未必起學校外面搵唔到場地的問題。

學生會就一向被人視為有等於有，有辦法成為學生爭取權益嘅力量，甚至乎好多時都係被視為一個校方嘅傀儡，你哋認為你哋可以點樣改變呢個局面呢？

衛：正如我哋頭先政綱所提及到，我哋會做大量的問卷調查，令到學生可以表達到佢哋對於學校或者學生會嘅意見。咁樣就可以令到學生會嘅運作更加順暢和有力。

江：我覺得學生會應該好努力同理好積極咁樣去收集學生意見，若果同學有任何意見嘅話依家只係可以透過朋友之間中介先至可以傳入到學生會內部，成件事就好間接同好被動。我覺得學生會應該主動接觸學生，學生會最基本應該作為學生和校方嘅一個橋樑，唔可以單向咁工作，唔應該有諮詢學生意見，所以我哋就提出定期向學生諮詢嘅政綱。

你哋認為如果你哋當選嘅話，可以短期內有啲乜嘢措施可以推出俾各位同學？而且你哋認為培英學生現時最迫切需要嘅係啲乜嘢權或者益？

衛：呢個係政綱上面有提到，但係我哋係短期之內會豐富球類租借服務。只需要出去買多幾個波，資源我哋都唔缺乏，所以面對依家球類唔足夠同豐富嘅情況，我哋短期內會盡快推出呢一項措施。

江：我覺得培英學生最迫切需要嘅係發言權，因為而家培英學生好少有機會可以表達到自己對學校嘅意見，無論係設施、活動或者制度方面嘅意見。學生好難去搵校長傾呢啲問題，我覺得培養學生係好需要發言權。

衛：校方給予學生嘅感覺，令到學生覺得沒有一個渠道去表達意見，機會完全不足夠。

最後就好多謝因為同學願意抽空時間接受我哋嘅編輯部嘅訪問，期待同學係學生會裏面嘅成績。

名單3

鄭栢豪 鍾佩蓓 區依祈(absent)

好高興能夠請到同學各位接受我哋編輯部嘅訪問，首先就請各位同學自我介紹先啦。

鄭：我係5D鄭栢豪，現任Maths club副會長，曾任F2班會。

鍾：大家好，我係5D鍾佩蓓，曾任沙培大使，中二至今嘅班會主席，一直有參與級社幹事，中三曾任學生會宣傳，另有drama club committee

同學你哋認為SU新制度對於培英學生未來而且你哋三位參選人有啲咩意義呢？

鍾：依家學生會選舉制度分為兩面，一面是獨立候選人，另一名是名單制，可以搵一班志同道合嘅同學一齊參選。我覺得取消左以往級社作為參選前提嘅選舉方式門檻降低左，空間變大，令到有心參與你同行真正有機會能夠進行競選，而且不像以往一樣有被迫的成份。而名單制方面就可以讓同學一齊參選，發揮團隊嘅力量，而且人多更加可以提出更多的意見。

鄭：無錯，以前制度選舉方式同被迫相差無幾，啲人鬼理你咩，甚至可能會有亂做嘅心態，求其搵個名銜就算。而新制度真係俾到我地一個服務同學嘅機會。

鍾：同理同學可以主動參與。

既然如此，請同學分享下你哋嘅政綱。

鄭：1，售賣女性衛生巾，有時候呢啲嘢話嚟就嚟，冇理由無端端啱咗搵紙巾抹架，如果學生會有售賣女性衛生巾嘅話，同學咪可以隨時都有準備囉。

鍾：2，聯校活動，我哋而家已經有幾間學校嘅參選人接觸，例如聖心，TST。我哋覺得可以舉辦類似歌唱比賽嘅聯校活動邀請同學參加，又或者可以代理學校校隊去預約友誼賽。

鄭：3，更換女性更衣室的沖涼系統，試想像一下同學你打完波成身汗想去更衣室沖涼，一大陣汗味，入去更衣室打開花灑，啲水一滴一滴咁的落嚟，咁你叫人點樣沖涼先？

鍾：4，擴充班T和班樓的穿著空間，例如sports day或者其他specific嘅日子，可以給予同學機會可以穿著班樓。

鄭：5，特別5樓男廁加設廁紙，因為發現唯獨只有5樓的廁所沒有提供廁紙。

鍾：6，增加中一同學參與課外活動的限額，因為中一同學本身已經強制需要參加一人一樂器的計劃，課外活動的限額已經preset咁用咗一個，加上中一同學的課餘時間較多，所以我哋建議俾多啲空間中一同學去參與課外活動。

鄭：7，定期更換垃圾袋，促請校方多注意垃圾袋嘅狀況，以免細菌容易遺留。

鍾：8公開售賣文具入貨單，令到同學可以specific要求學生會訂購某一類嘅文具，唔係學生會自把自為。9（鄭）學生會影學生相服務。因為同學對於學生相嘅需求唔細，無論係手冊或者准考證等等。通鋪可能太過忙沒有太多時間去街外影學生相，甚至可能沒有時間擺相，所以學生會代理可以方便同學。例如可能請公司、又或者培英的攝影學會支援這項服務，發揮學生自治嘅能力，對比起街外影學生相又平又方便。

（追問）點解你哋只係特別提及要更換女性更衣室嘅沖涼系統呢？

雙：因為男更無壞囉。

小編：原來係咁嫁。

鍾：所以而家咁樣唔公平。鄭：你試諗下女仔就成身汗，男仔就可以香噴噴咁返屋企，係咪唔公平先？

（追問）你哋對於提供影學生相嘅服務有冇一個概念呢？因為相機、或者請公司等等加上其他設備都需要錢，會唔會出現成本過高嘅情況？

鄭：其實印相紙價格唔高，加上我哋可能可以借助攝影學會嘅支援，背景顏色相信都唔會花費太多錢，如果發揮到培英學生之間的互助和合作，相信唔會係一件難事。而且我哋有參考過其他學校作為例子，有信心我哋可以為同學提供到呢一項服務。

學生會就一向被人視為有等於冇，冇辦法成為學生爭取權益嘅力量，甚至乎好多時都係被視為一個校方嘅傀儡，你哋認為你哋可以點樣改變呢個局面呢？

鄭：我諗呢一個比較係睇法問題，有時候可能係宣傳問題，例如中一同學可能根本不知道學生會有售賣文具這項服務。

鍾：更加重要嘅係好多時學生會嘅能力係有所限制嘅，因為我自己都曾經擔任學生會幹事之一，學生會能夠做到嘅嘢真係有限制。我親身經驗就令我了解到其實好多嘢唔係我哋想有就有。同學就會覺得學生會都有乜嘢可以做到，所以就唔會點樣留意學生會嘅動向，所以即使學生會推出任何措施可能同學都不會特別去理會。加上參選人數不多，可以見到學校風氣對於學生會都係唔盛行的嘅。如果要令到學生會唔再係咁「傀儡」，如果有什麼大型的嘅活動，最緊要就係唔好只係send 個email就算，更加應該要洗樓宣傳，周圍貼poster咁樣囉。即係如果同學好被動嘅話，我哋就應該更加積極主動咁樣去令佢哋了解到我哋嘅狀況，而唔係坐等同學黎搵我地，要好有heart嘅。

你哋認為如果你哋當選嘅話，可以短期內有啲乜嘢措施可以推出俾各位同學？而且你哋認為培英學生現時最迫切需要嘅係啲乜嘢權或者益？

鄭：我哋名單就已經聯絡左唔少公司同機構，幫同學爭取一啲優惠，例如普遍減價。另外學生會亦都可以代理同學訂購班樓班T，統購嘅方式可能可以有優惠。而且更加重要的是，短期內同校方再次商討校 問題，無論係功能或者款式，培英學生普遍都不接受，加上我們將會逐步踏入冬天，所以呢個會係短期內需要商討嘅問題。

（追問）小編曾經參加過一次校規研討會，有幹事曾經提出揮uniglo嘅襪同校樓比較，無論係功能同款式上面uniglo都優勝。校方依舊抱住一個敷衍嘅態度『我哋會考慮下架啦』，不了了之到依家都沒有答覆，也沒有考慮過校樓的重新設計。咁你哋面對呢啲情況會點應對？

鄭：如果校方到時仍然都係呢個態度嘅話，佢唔理嘅話我哋就煩到佢理。

鍾：同理我曾經作為學生會成員嘅經驗，有時候當你同學校高層商討嘅時候，佢哋會突然話聽電話然後就中途離席，你係會feel到佢哋跟本係冇誠意同你傾。

鄭：所以我哋要做到嘅就係，小息去煩校長，lunchtime去煩校長，放學都去煩校長，我就唔信一個禮拜五日每日任何時候佢都可以唔起學校。（

鍾：可能校方覺得學生都唔理會學生會嘅事情，所以校方對於學生會所提出嘅事情就更加唔會理會。

鄭：學生都應該顯示出佢哋對學校事務嘅關心，而且學生會亦都應該令到學生之間好好合作。

最後就好多謝因為同學願意抽空時間接受我哋嘅編輯部嘅訪問，期待同學係學生會裏面嘅成績。